

Broj: UP1-06-13-1-30-14/23
Mostar, 19.7.2023. godine

Na osnovu člana 11., člana 17. i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2) i člana 17. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede („Službene novine Federacije BiH“ broj 15/16, 82/21 i 1/23), člana 10., člana 11. i člana 12. Pravilnika o metodologiji i načinu obračuna regulatornih naknada za imaoce dozvola - Prečišćeni tekst („Službene novine Federacije BiH“ broj 94/19 i 1/23), postupajući po Zahtjevu za obnovu dozvole za rad (licence) za trgovinu na veliko naftnim derivatima osim LPG-om broj UP1-06-13-1-30-1/23 od 13.2.2023. godine, podnosioca zahtjeva „MERCATOR BH“ d.o.o. Sarajevo, ul. Blažuj bb, Sarajevo, Ilidža, zastupanog po opunomoćeniku Advokatskom društvu Eterović d.o.o. Sarajevo, Regulatorna komisija za energiju u Federaciji Bosne i Hercegovine – FERK je 19.7.2023. godine na XV redovnoj sjednici donijela sljedeće

RJEŠENJE

1. Izdaje se Dozvola za rad (licenca) za trgovinu na veliko naftnim derivatima osim LPG-om podnosiocu zahtjeva „MERCATOR BH“ d.o.o. Sarajevo.
2. Dozvola za rad (licenca) izdaje se na period od 19.7.2023. godine do 18.7.2028. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad (licenca) iz tački 1. i 2. ovog rješenja.
4. Imalac dozvole je obavezan platiti regulatornu naknadu za 2023. godinu u iznosu od 2.273,97 KM.
5. Imalac dozvole je obavezan platiti regulatornu naknadu za 2024., 2025., 2026. i 2027. godinu u iznosu od 5.000,00 KM godišnje.
6. Imalac dozvole je obavezan platiti regulatornu naknadu za 2028. godinu u iznosu od 2.726,03 KM.
7. Imalac dozvole je obavezan regulatornu naknadu iz tačke 4. ovog rješenja platiti u roku od 30 dana od dana prijema rješenja, a regulatorne naknade iz tačaka 5. i 6. ovog rješenja do 31.1. tekuće godine.
8. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

O b r a z l o ž e n j e

Dana 13.2.2023. godine FERK je od podnosioca „MERCATOR BH“ d.o.o. Sarajevo pod brojem UP1-06-13-1-30-1/23 primio Zahtjev za obnovu dozvole za rad (licence) za trgovinu na veliko naftnim derivatima osim LPG-om.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., članom 19. i članom 21. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je podnosiocu zahtjeva 21.2.2023. godine uputio Obavještenje o nedostacima podnesenog Zahtjeva za obnovu dozvole za rad (licence) za trgovinu na veliko naftnim derivatima osim LPG-om pod brojem UP1-06-13-1-30-2/23 i odredio mu rok od osam dana radi otklanjanja uočenih nedostataka navedenih u obavještenju. Postupajući po navedenom obavještenju, podnosilac zahtjeva je dostavio dopis primljen u FERK 6.3.2023. godine pod brojem UP1-06-13-1-30-3/23, dopise primljene u FERK 9.3.2023. godine pod brojem UP1-06-13-1-30-4/23 i brojem UP1-06-13-1-30-5/23 i dopis primljen u FERK 17.3.2023. godine pod brojem UP1-06-13-1-30-6/23, uz koje je dostavio dio tražene dokumentacije i obrazloženja. U cilju upotpunjavanja zahtjeva FERK je podnosiocu 21.3.2023. godine pod brojem UP1-06-13-1-30-7/23 uputio Zahtjev za informacijama. Postupajući po navedenom Zahtjevu za informacijama podnosilac zahtjeva je dostavio dopis primljen u FERK 4.4.2023. godine pod brojem UP1-06-13-1-30-8/23 i dopis primljen u FERK 11.5.2023. godine pod brojem UP1-06-13-1-30-9/23, uz koje je dostavio dio tražene dokumentacije i obrazloženja. FERK je podnosiocu 24.5.2023. godine pod brojem UP1-06-13-1-30-10/23 uputio Zahtjev za informacijama. Postupajući po navedenom Zahtjevu za informacijama podnosilac zahtjeva je dostavio dopis primljen u FERK 5.6.2023. godine pod brojem UP1-06-13-1-30-11/23 i dopis primljen u FERK 12.6.2023. godine pod brojem UP1-06-13-1-30-12/23, uz koje je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, pripremio Nacrt dozvole za rad (licence) za trgovinu na veliko naftnim derivatima osim LPG-om po zahtjevu broj UP1-06-13-1-30-1/23 od 13.2.2023. godine podnosioca „MERCATOR BH“ d.o.o. Sarajevo. Na osnovu člana 1. stav (3) i člana 16. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je Odlukom broj UP1-06-13-1-30-13/23 od 4.7.2023. godine usvojio Nacrt dozvole za rad (licence) za trgovinu na veliko naftnim derivatima osim LPG-om, te Obavještenje za javnost o opštoj raspravi o Nacrtu dozvole za rad (licence) za trgovinu na veliko naftnim derivatima osim LPG-om, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad (licence) za trgovinu na veliko naftnim derivatima osim LPG-om na adresu FERK-a ili na elektronsku adresu, u periodu od 5.7.2023. godine do 13.7.2023. godine do 12:00 sati, kao i da su lica, koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost dostaviti zahtjev za sticanje statusa umješaća na adresu FERK-a ili na elektronsku adresu, u periodu od 5.7.2023. godine do 13.7.2023. godine do 12:00 sati.

Do ostavljenog roka za dostavu pisanih komentara i za dostavljanje zahtjeva za sticanje statusa umješaća, odnosno do 13.7.2023. godine do 12:00 sati, u FERK nisu primljeni pisani komentari na Nacrt dozvole za rad (licence) za trgovinu na veliko naftnim derivatima osim LPG-om, niti je primljen zahtjev za sticanje statusa umješaća.

Dalje, članom 10. Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisana je dinamika obračuna regulatorne naknade za imaoce

dozvola iz sektora naftne privrede, dok je članom 11. istog pravilnika regulatorna naknada za imaoce dozvola za rad (licenca) za trgovinu na veliko naftnim derivatima osim LPG-om propisana u fiksnom iznosu od 5.000,00 KM godišnje, sa tim da se taj fiksni iznos u prvoj i zadnjoj godini važenja dozvole preračunava u skladu sa periodom važenja dozvole u toj godini. Članom 12. ovog pravilnika propisano je da će FERK o obavezi iz člana 11. Pravilnika svakom imaocu dozvole iz sektora naftne privrede izdati pojedinačno rješenje.

Na osnovu obrade Zahtjeva za obnovu dozvole za rad (licence) za trgovinu na veliko naftnim derivatima osim LPG-om podnosioca „MERCATOR BH“ d.o.o. Sarajevo i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad (licence) za trgovinu na veliko naftnim derivatima osim LPG-om u skladu sa članom 21. Zakona o naftnim derivatima u Federaciji Bosne i Hercegovine, te članom 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede.

Na osnovu navedenog, u dozvoli za rad (licenci) koja je predmet ovog rješenja podnosiocu zahtjeva postavljeni su, u skladu sa članom 26. i članom 28. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, određeni uslovi. Spomenuti uslovi uvažavaju potrebu, ali i obavezu „MERCATOR BH“ d.o.o. Sarajevo da u rokovima propisanim u uslovima dozvole za rad (licence) za obavljanje djelatnosti trgovine na veliko naftnim derivatima osim LPG-om iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDSJEDNIKA FERK-a
Mile Srdanović, s.r.